

*Senatum non defuturum. earum duarum rerum pacis bel-
lique utra ei magis cordi est, ejus eligendæ se se potestatem
illi facere. ipsos autem legatos non tam suæ orationis te-
stes habuisse, quam ut si quid durius Ludovico acciderit,
sciant memoriaque teneant jure id meritoque accidisse.* 1498

Ea oratione habita, legatus Ludovici tempus se dixit
fumere, dum quid ad illa responderi Ludovicus velit,
scire possit: neque tamen dubitare se jam nunc, quin
auri libras quindecies millies Ludovicus habeat, quibus
Florentini tanquam suis eo bello uti possint. paucisque
post diebus literæ sunt ab Ludovico ad Patres datæ:

*Sfortia re-
sponso.*

*Mirari, se se quam ob causam ea Senatus mandata nuncia-
ri sibi jussisset, qui quidem non socius modo atque amicus, sed
plane filius reipublicæ semper fuerit. æquissimum sibi vide-
ri, quam pecuniam Pisis tuendis civitas erogarit, eam
pecuniam Senatui restitui. itaque si velint, cum reliquis
fœderatis rationem Patres ineant, quonam id quidem mo-
do agi commode conficique possit: se nihil ejus impediturum.*
Iisdem diebus Decemviri Petro & Hjeronymo & Aloisio
Bragadenis Andreæ filiis, propterea quod ii Nicolaum
Georgium, rationibus publicis præfectum, in ejus ædi-
bus dum alloquerentur, verbis arrogantioribus interjectis
minis fuerant usi, jus comitiorum & magistratuum adi-
piscendorum facultatem annos decem interdixerunt: qui
quidem ante id tempus nequeant restitui, nisi omnibus
collegii sententiis ea lege absolvantur. Idem postea in
Vincentio Barbaro servatum, quod is Dominico Lam-
berto magistratus pacis Scribæ maledixerit.

2

Florentini æstate ineunte per Catherinam, perque Lu-
dovicum, qui eis pecuniam mutuo dederat, confirmati,
novisque aucti copiis, militum reipublicæ non magnum
numerus, qui Lunam, ut eorum locorum dominis præsi-
dio essent, ab legato missi fuerant, cæde facta in fugam
verterunt. Deinde, tametsi Senatus cum Petro Duodo
altero legato Pisas profecto equitatum, qui sagittis uteba-
tur, eodem misisset, tamen apud Cassinam magna cali-
gine oborta, ita ut conspici non possent, maximam co-

*Venetorum
clades in E-
truria.*